

陝西通志

第三
函
十冊

陝西通志第二十八卷

祠祀一 寺觀附

五禮首吉國事攸隆泰壇卹時等於郊宮几筵榘桷崇德報功雲
旂風駕萬福來同維彼二氏闡教關中鳩摩譯義柱下遺蹤仙梵
境界金碧龍慈牖民覺世用召和豐作祠祀志第十二

西安府

社稷壇

在府城東康熙四年知府葉承祧建附郭不置各縣如

制雍正三年定每歲祭社稷壇祭品羊一豕一帛一釧一簋四

豆四簋二簋二刊圖通行

府冊

風雲雷雨山川壇

在府城西北知府葉承祧建各縣如制

賈志

文廟

在府治東南建自宋元至元中廉希憲修明正統間知府

孫仁益增拓之正殿七間兩廡各十七間廡南爲厨舍東西各

二間前爲儀門稍南爲碑亭二兩司府縣官廳東西相向又南爲宰牲所前爲櫺星門門前爲泮池跨以石橋萬曆庚子巡按李思孝建橋前爲太和元氣坊左右碑亭二永壽王府中尉惟煥建坊前爲屏東西二坊曰賢關曰聖域廟左爲啓聖祠

本朝康熙二十三年十月初一日

題匾曰萬世師表至

雍正元年改啓聖爲崇聖祠追封孔子五代王

爵祀以太牢四年三月初八日

御題匾曰生民未有各學如制

府冊

先農壇

在東郊各縣如制耨田四畝九分耨田後建壇高二尺

一寸寬二丈五尺壇後正房三間配房各一間壇廟耨田之外

週圍繚垣門南向每歲仲春擇日致祭祭品與社稷壇同

五年爲始陝西四府十州屬准銷建設銀共肆千伍百

兩叅錢陸分柒釐零

府冊

關帝廟 在滿城舞生壇雍正三年追封關帝三代公爵供奉後

殿歲春秋廟祀以太牢各縣如制

府冊

龍王廟 雍正五年七月內奉

上諭龍神專司各省雨澤地方守土大臣理應虔誠供奉朕特造各

省龍神大小二像可着該省督撫迎請供奉本地虔誠展祀欽此

隨迎請 福秦順應龍神大小二像立廟宇供奉在府治西南

府冊

文昌祠 在府治中街

賈志

八蜡廟 在府治南各縣如制

賈志

旗纛廟 在都司舊署旁一在西關大教場

賈志

城隍廟 在府治西明代累脩有碑記

本朝雍正初火燬隨移秦府木植改建各縣如制又附近省城別立

廟一在河池寨去城二十五里順治十三年脩有記一在唐家

寨去城二十里康熙十八年建一在王曲鎮去城三十里府志

郡厲壇

在府北五里各縣如制曰邑厲鄉保曰鄉厲府志

名宦祠

在學宮左各縣學如制府志

鄉賢祠

在學宮右各縣學如制府志

忠義孝弟祠

在學宮內雍正元年建各縣如制府志

節孝祠

在學宮外雍正元年建各縣如制合四府十州建立忠

義節孝祠宇准銷銀叁千壹佰肆拾壹兩陸錢零府志

賢良祠

在長安九府街雍正十年奉

敕建署巡撫兵部尚書史貽直撰記府志

長安縣

禹王廟 在縣治西四十里爲豐水而建

賈志

五嶽廟 在縣治東南禱雨輒應歲久傾圯明正統九年都御史

陳鑑增脩

本廟碑記

本朝尚書白如梅重脩有記

縣志

東嶽廟

在縣治西南

賈志

西嶽廟

在縣治西

賈志

明成化十七年住持蘇元靖重脩有記

縣志

○按古封西嶽廟在華陰縣歷代典禮詳載華陰本廟下

關帝廟

在城內西五臺及鐵爐水池等坊金光落晁郭杜等里

鎮

縣冊

元君廟

在縣北三十里馮黨里創自唐代

本朝康熙六十年重脩

縣冊

太白廟

在縣西郭外明崇禎間旱禱屢應撫軍使者汪喬年重

脩本廟碑記

本朝總督尚書白如梅總脩有記

縣志○按太白山綿亘最長惟鳳翔府郿縣爲就近故山秋神廟在

郿歷代封典故蹟詳見郿縣本廟下

龍王廟

在南城外創自明景泰元年有記

本朝雍正元年重脩

縣冊

雷神廟

在城北明萬曆四十五年重脩咸寧趙民俊有記

縣冊

二郎廟

在西關廂明弘治二年建廟後有泉旱禱輒應嘉靖庚

申鄉民徐溢等二十餘人以禱雨復新祠宇

本邑知縣某撰碑記○按五府十州

多載有二郎廟但二郎有二秦蜀郡太守李冰子

郎佐父治

水有功元至順六年

加封爲英烈昭惠靈顯仁祐王

見續文獻

通考宋大將李顯忠子二郎明正統中勅號波海廟祀保安定安寨等縣見延安府志今二郎神廟散見於西鳳府州縣者

疑皆蜀守二郎

府君廟

在城西四十里祀唐相崔珏武德三年民懷其德爲之

建祀太宗夢與神遇遂封號曰府君之神宋大中祥符三年祈嗣有應加封地曹判官遣使致祭元延祐二年封爲護國西齊王建廟始於長安因祀焉明弘治五年監察御史蘇州知府孟俊有靈應碑記其一在城西二十里崔家庄

縣志

終南山祠

唐文宗開成二年建

賈志

開成二年四月辛酉詔終南

山興雲必雨若當晴霽雖密雲他至竟不霑霑况茲山北面闕庭日當恩顧脩其望祀寵數宜及令中書門下差官設奠宣告恩禮擇立廟處所以聞八月乙未長安令杜慥奏准詔置終南山祠宇畢已酉冊南山爲廣惠公

冊府元龜

恭定祠

祀明工部尚書諡恭定馮從吾以門人党還醇等配南

京光祿卿文翔鳳有記

賈志

附古壇廟

泰一壇元光二年從亳人繆忌奏立泰一壇於長安城東

南郊按禮樂志武帝祀太一甘泉在京西北王應麟辨太一與

泰一不同

賈志

唐園丘在長安明德門東南一里

賈志

黃帝壇百神

壇赤帝壇並在縣南安化門外○白帝壇縣西開化門外○夕

月壇縣西開遠門外○雨師壇縣西金光門外

宋敏求長安志

社壇在

縣西南五里光德坊

賈志

黑帝壇在府治北大倉畔

賈志

雷公壇在

府城北元武門外

賈志

司中司命壇在開遠門外

賈志

漢太上皇廟

在城中香室街酒池北

三輔黃圖

高帝廟在長安故城安化門裏大

道東隋遷都移廟於皇城開福門外頒政坊有題詩

關中記

括地

志云高廟在長安西北十三里渭南

史記正義○按渭南與安化門微異

祀漢高

帝於長陵蕭何配以一太牢而無樂

隋書禮儀志

原廟惠帝爲朝長

樂宮數蹕煩民築複道武庫南叔孫通曰此高帝月出遊衣冠

之道奈何乘宗廟道上行哉帝懼曰急壞之通曰人主無過

願爲原廟於渭北衣冠月出遊之益廣宗廟大孝之本上乃詔

有司立原廟

漢書叔孫通傳

原再也高祖已有廟在長安城中

本傳註

孝

惠廟關中記曰惠帝廟在高廟之西

涑

長安縣休祥坊有顧成

廟

宋敏求長安志

景帝廟號德陽武帝廟號龍淵

玉海

孝昭廟二廟內武

昭子孫分葬其中

府志

昭帝廟號徘徊

玉海

宣帝皇考廟漢書元康

元年立皇考廟益奉明園戶爲奉明縣

府志

樂遊廟關中記曰宣

帝許后葬長安縣樂遊里立廟於曲江池北名曰樂遊廟

府志

元廟元帝廟號長壽

玉海

漢書曰王莽壞孝元廟更爲文母太后

起廟獨留故殿爲文母暮食堂

府志

孝成廟帝王世紀曰成帝廟

名池陽

府志

太祖朝嘗詔脩先代帝王祠廟令太常禮院重定配

享功臣檢討儀相畫樣給付漢高帝以蕭何配文帝以周勃陳

平劉章宋昌配景帝以周亞夫竇嬰申屠嘉晁錯配武帝以公

孫弘衛青霍去病金日磾配宣帝以丙吉魏相霍光張安世配

以上並祀在長安

揮塵前錄

渭陽五帝廟漢書曰文帝十五年齊人

新垣平望氣言長安東北有神氣成五采於是詔作渭陽五帝

廟廟記曰五帝廟在長安東北

府志

光武至長安見宮闕盡廢宗

廟爲墟乃徙都洛陽取十廟合於高祖作十三室太常卿一人

別治長安主知高廟事

三輔故事

唐安上門街東太廟先天中置○

中宗廟○讓皇帝廟開元年建○崇恩廟神龍時建

長安志

唐高

祖廟以河間王孝恭殷開山劉政會淮南王神通配

揮塵前錄

武成

王廟在太平坊○修德坊興聖廟天寶二載建○元獻皇后廟

乾元元年立○永陽坊有恭僖貞獻二太后廟○惠昭太子廟

元和八年置○文敬太子廟貞元中徙置○永和坊有隱太子

廟○節愍太子廟在待賢坊○嘉會坊有莊穆公主廟○常安

坊有章懷太子廟○胡祆祠武德四年立長安志秦樗里子廟在

府衙西畔

馬志

安平公祠在指揮街隋宇文愷有遷都功故廟食

馬志汾陽王家廟在舊府城北榭乃其故宅

馬志

石門山神廟在縣

西十三里○石炭堰神廟在縣西南四十里貞元年置○河伯

廟在縣北二十六里○雍侯廟在於府城北街

長安志

西平郡王

廟新說唐李晟官至太尉中書令贈西平郡王勅立廟宇今在

慈恩寺西南一里貞元八年立廟碑尚存

馬志

寇萊公祠在舊京

兆掖庭街西有寇萊公園亭爲寺今在貢院之後祠中有石刻

詩

馬志

開平忠武王廟在縣治西常遇春以開陝功命有司立廟

歲時致祭

續文獻通考

正統元年建

馬志

三臺寺

在縣北二十里有小碣上書係古漢城基名曰西高廟

東漢明帝創建明萬曆壬寅年脩

本朝康熙十二年巡撫杭愛重脩提學許孫荃有詩

縣志

福勝寺

在城西南十里漢時創建歷唐宋元明歲久剝落

本朝康熙五十六年重脩

本寺碑記

燉煌寺

在城北十八里晉時有燉煌菩薩曾譯法華經於此寺

後燉煌入滅遂爲塔以龕其靈骨及舍利至隋重建

本朝順治間塔圯露舍利靈骨時復爲函以瘞之仍緝其寺

縣志

金皇

統五年住僧政公重建大定二年賜額勝嚴禪院明正統間住僧了菴與其徒性福總脩成化十一年住僧性惠覺成二人增

脩

本寺碑記

莊嚴寺

在城西南十二里木塔寨隋文帝爲獻后立爲禪定寺

唐武德年改今名

馮志

殷令名題額南門外壁白蕃神尹琳書

門東西廬稜迦畫兩壁甚大

歷代名畫記

本朝康熙十七年僧靈菴五十二年僧巨目相繼增脩

縣志

鐵塔寺

在城西三里本唐章懷太子宅咸亨四年捨爲寺

賈志明

天順元年住持俊公創脩長安韓溫有記

縣志

崇禎七年重脩其

城西南四十里馬王村另有鐵塔寺嘉靖四十一年建

縣志

靈感寺

唐宣律師修行處有淨土壇景龍中建

賈志

本永興王府

中家佛堂原爲西明寺貞觀末改今名

本寺碑記

明萬曆年三次重

脩寶塔

縣志

香積寺

在城南子午谷正北神禾原上郭子儀收長安曾陣於

此唐神龍二年建王維有詩

馮志

宋太平興國三年改爲開利寺

舊有香積堰水入城中遭朱泚亂壞龍首香積以決其流宋時

龍首堰復香積堰廢

馬志

寺離城三十五里前有大小塔二

縣志

清教寺

唐中宗時建

賈志

溫國寺

在城南四十里滴水岸

賈志

本隋薛國公長孫覽妻鄭氏

捨宅置名實際寺唐開元十五年大德進法師立爲道場建塔

改爲溫國寺

馮志

明弘治壬子住持智全總脩

都御史管緝記

淨土院尹

琳畫三門內吳畫鬼神

歷代名畫記

明嘉靖三十三年住持周安重

脩有記

縣志

本朝雍正十年興工脩葺

縣冊

觀音寺

在城內廣濟坊唐天寶二年建

府志

明正德十五年重脩

尚書劉璣記

一在城西二十里董蘇里隋時建明宣德元年脩一在

城西二十里馬家寨

本朝順治十四年建

縣志

感業寺

在古長安城西北卽武后爲尼處

賈志

離城二十里明

曆十二年重脩

本寺碑記

百塔寺

在城南五十里許

志

本唐僧信行塔院大曆二年間集

信行者皆寔於信行塔之左右故名百塔

志

百塔寺唐相裴公

所施之地明萬曆十九年秦藩捐貲增脩

張芬碑記

翠微寺

在城西南翠微山上

馬志

本唐太和宮武德八年建貞觀

十年廢二十年太宗歇禁內煩熱命將作大匠闢立本再葺改

爲翠微宮元和元年廢爲翠微寺

宋張茂中遊城南記

萬壽寺

在長安古城霸城門外一里許本梁蕭岑宅隋文帝立

爲延興寺寺東院蕭琮之堂捨入寺唐中宗改爲永泰寺大中

六年改爲萬壽寺刺史劉杲撰記

馬志

甘露寺

在城南五十里唐杜牧之有詩

縣志

華藏寺

在得辛坊卽唐保壽寺因性方和尚造經於此改今名

賈志

大明寺

在北門外馬志

寺創於北周天和四年隋更卜遷於皇城

北墉外明嘉靖丙申再葺後地震大圯隆慶戊辰僧元德以善

信所施度規制而重新之

叅議陳綬碑記

琉璃寺

在城西三十里創自唐代明成化丁亥邑令李經捐俸

興脩

本寺碑記

安慶寺

在西關廂創自唐代

本朝康熙二十年南昌熊士瀆修建

本寺碑記

西五臺

在城西北隅是臺基於唐創於宋屢葺於明有禱必應

六月大會歲以爲常爰於康熙戊戌捐俸重脩由三天門拾級

而升層臺紺閣環列左右最高處爲大士殿登殿四望目收一

郡之勝

總督鄂海記

安衆寺

在城內西北隅本宋寇萊公準花園後改爲寺內有萊